

雜法第二十四

凡行來畏恐常鳴天鍾於左齒三十六通先閉氣左噓之叱叱五通常行之辟精邪惡物不祥之氣常夜寢臨欲眠時以手撫心叩齒三通閉目微祝曰

太靈九宮太一守房百神參位魂魄和同長生不死塞滅邪凶咒畢而寢此名爲九宮隱咒寢魂之法常能行之使人魂魄安寤常保吉祥

凡傳授上法之時有經之師當先求感應然後傳之乃入室燒香密願神明卽心拜經前微祝曰

太上元君仙都大神今日吉日八願開陳欲傳某上法敢告靈

道藏輯要

雲笈七籤

三

并集二

元未知可否須應乃宣祝畢便寢必獲靈應

凡經師授經之法先心拜四方以感神明爲宗師之主餘皆執經起立仰天而祝告誓神靈以爲玄科之約當說受經者之姓名并啟天神陳受經之品目爲之科條名策告誓合麗文傳諱而陳之祝畢弟子再拜跪受畢又再拜此真人告神之盟內法不必盡存割血爲敢漏之約也

凡存修太一之事欲有所禮願不可叩頭叩頭者則傾九天動千真神官迴覆泥丸倒懸天帝號於上府太一泣於中田數如此者則存念無益三真棄宮七神漂散玄宅納凶是爲太上五神之至忌也故古之真人但心存叩頭運精感而行事不因頰

類以祈靈也

凡修行太一之事真人道士不得有所禮拜亦帝君五神之所忌也若有所精思行禮願之時但心拜而已不形屈也自不修受上法者不得同於外學之夫矣

凡道士登齋入室忽有靈感妙應及有吉祥之夢皆道之欲成兆當勤修苦志感慕上會如是不替則真靈玉女將憇子之寢矣卧覺之時當正身上向叩齒三七通閉目微咒曰

上一赤子丹皇運珠太一帝尊凝天伯无七靈上感五神歸遊靈童玉女豁落雙符七星同昇上登晨邱咒畢又叩齒三七通嚙液三過開目都畢此名爲太一留神感會仙賢之咒也如此

道藏輯要

雲笈七籤

三

井集二
川文人

者三年則九天諸神及太玄玉女將降衛於兆身

凡道士入室齋戒存修而數有不祥之物及奇怪血光諸鬼精氣來恐試人者兆當行北帝咒鬼殺邪神方先叩齒三十六通乃咒之曰

二象迴傾玄一之旌七靈護命上詣三清雙皇驅除赫栢羅兵三十萬人侍衛神營巨獸百丈吐威攝精揮劍逐邪馘落魔靈神伯所咒千妖滅形咒畢又叩齒三十六通此名爲北帝咒鬼殺邪神方諸神靈正氣聞此之咒皆來奉衛於子而向不祥之氣得卽死滅矣